

Ukubepwa

11 Yohane 7-11: “Ico bacindufyanya abengi nabafumina pano isonde, abashisumina ukwisa kwa kwa Yesu Kristu mu mubili. Uyu e cindufyanya, kabili munkanyakristu. Cenjeleni, twilufya ifyo fintu twabombele, lelo tupokelele icilambu icituntulu. Onse ucita ubupulumushi, no kukanaikala mwi sambilisho lyakwa Kristu, takwete Lesa. Uwaikala mwi sambilisho lya kwa Kristu, wene akwete Wishi no Mwana wine.”

Mulasenda ayali yonse aya amalubatisho aya bufi, icabufi ici-ne-ci kabili ne-fi, nshilesakamana ifyo cilemoneka icituntulu, mubwingi besha ukupashanya, bwena bufi nga cena cili icapusana ne Cebo cakwa Lesa ca ino ora. Filya ni filya fine. Mwatila, “Cisuma, twalicitile ici, kabili twalicitile cilya; kabili ulukuta lwesu luli muli uyu musango, kabili...” **“Nshilesakamana ifyo cena cili; nga cena cili icapusana ne Cebo calembwa ica ino ora, cena bufi. Lesa takatale kwatapo icakucita na cena. Te mulandu ubufumacumi, ifyo asambilila, ifyo acenjela, ifyo cena cumfwika ica cine, ifyo cena cumfwika ica mano, nga nacipusana ne Cebo ica ino ora...”** [1]

Te mulandu namaka ifyo kashimikila enga shimikila, ubusuma engacilenga ukumoneka bwino, **nga nacipusana ne Cebo, fumeniko kuli cena. Talukeni kuli cena, fumyenipo. Caba Cebo e butantiko bwa kwa Lesa, ubusokololo bonse bwa fintu Ena ali, ifyo Ena aba, kabili ifyo Ena akaba. Kwena ku twalilila kwa busokololo bwakwa Yesu Kristu. Kabili ubusokololo ubutuntulu bwakwa Yesu Kristu niyi Baibele. Icintu icili**

conse icasokololwa ukupusana na Wene, ukulanda ifyo Ena akacita, ifyo Ena ali nomba... “Owe, cilya cali mu nshiku shakale.” Bushe tamulecetekela cena! Cilingile ukuba Yesu umo wine, mwamona, kabili cilya e Cebo.

[2]

Ilelo balifulungana nganshi pa cishininkisho ca Mupashi wa Mushilo na fimbipo. Satana kuti apashanya icabupe ca musango uli onse ico Lesa akwata, **lelo teti alete cilya Cebo, icebo pa cebo**. Palya epo ena afililwe mwibala Iya Edeni; **palya epo ena lyonse afilwa. Bena kuti basubwa no Mupashi, ukulandila mu ndimi, ukushana, ukubilikisha, ukushimikila Imbila nsuma, kabili nalyo line ukuba ciwa. Ni mukati**. Nomba, ibukisheni, Yesu atile, “Bonse abo Taata ampela, bakesa kuli Ine. Takuli uwingesa kano Taata amukula intashi” (*Yohane 6:37, 44*).

Nomba, icintu cimo cine nici: **Nga uuli mwana mwaume wakwa Lesa, kabili nga ndi mwana mwaume wakwa Lesa, atemwa umwanakashi wakwa Lesa, twali muli Lesa pa kutendeka. Kabii ilyo Yesu aishileba umwisulo wa Cebo, lyena twali muli wene, mu musango wa kashishi. Ilyo Ena atanikwe, ifwe twalitanikwe mu mubili Wakwe** (*Abena Roma 6:6; Abena Galatia 2:20*). Ilyo Ena abukile ku bafwa, twalibukile pamo Nankwe. Kabili nomba, **apo ifwe natwiluka cena, nomba natwikala capamo na Wene mu ncende sha mu myulu muli Kristu Yesu** (*Abena Efese 2:6*). Mwamona? Pantu nga tuli bana baume na banakashi bakwa Lesa, ifwe tuli bana bakwa Lesa; **lyena tuli imibele yakwa Lesa. Lyena natukwata Umweo wa Muyayaya. Kabili Lesa fye eka e Mweo wa Muyayaya uwabako. Lyena twali muli Wene ukufuma pa kutendeka. Kabili ilyo Yesu aishileba**

cilye Cebo, lyena twali icilundwa ca Wene lilya. Ameni. Mwacimone co. Ilyo cilya cili mulya, takuli ciwa nangu umo, takuli amaka, takuli nangu cimo icingasesha cena. Cilya e cilu ukwakukakila umweo.

Imwe kuti mwasubwa kunse uku muli uyu mupashi, no kukabila, no kucita fyonse ifi fintu fimbi, **lelo ilyo caisa kuli ici cilu ica kukakilwako kuli cilya Cebo, imwe tamwakatale sela ukufuma kulya.** Cena cili no kwikatilila bwino bwino kabili na mucine kuli cilye Cebo ngefyo cingaba. Kunse ka cilya, te mulandu ifyo mucita, imwe mucili abaluba.

Ilya nshita ya lukuta lwa Laodikea, ubwamba, impofu, bukumbabulili, **tacishiba no kucishiba...** Mwamona, yalikwata ukusubwa, ukusubwa no Mupashi wa cine. **Mwamona ulya Mupashi wa Mushilo kuti wa wila pa muntu mu mupashi wakwe, lelo umweo wakwe e kashishi kakwe. Kalya kashishi e Cebo.** Mwamona? Nshilesakamana umusango mu shimikilamo, mu busuma mu citilamo ici, kabili mu bwingi mutemwa... Cilya ni kamo aka tuminshi ku mupashi. **Imwe teti mutemwe no mubili wenu; imwe mutemwa no mupashi wenu.** Ulya e umo uwa tuminshi ku mupashi. **Kabili imwe kuti mwatemwa nangula no kutemwa Lesa, kabili nalyo line ukukanaba uwalungama.** Imwe kuti mwatamfya ifiwa, no kushimikila, no kucita ifi fintu, nalyo line ukukanaba uwalungama. Yesu efyo asosele; atile abengi bakesa pali bulya bushiku. Cilye cebo cilepwishishisha cena (*Mateo 7:21-23*). [3]

Mwatila, “Cisuma, mwe, ndi Pentecostal; naba...” **Nga tamuletantikwa na cilya Cebo, kuli icintu cimo icalubana.** Mwamona? Lyena mulemona, shinwe uwa cine te Lesa, pa mulandu cilya mucine citendekela mu

mweo wenu, ilyo takulati kube no mupashi, cali mweo wenu. **Ulya mweo tawafumine kuli Lesa, lyena tawali akashishi ka kwa Lesa icakubalilapo.** Imwe mwalibepwa. Imwe muli mu mwina wa fyani no kukwata ilyashi lye sonde ilya fyani, ukulaisa ukucita nge sonde, ukutemwa isonde, ni pa mulandu ukutemwa kwa kwa Lesa takwaba muli imwe (1 *Yohane 2:15*). [4]

Inkombe Martin atile, Satana amonekele kuli wene inshita imo, nafwala ne cilongwe icikulu ca golide, shitatu atemwa shine intanda ishapangwa muli cena nga filya, ukubengeshima, uwaemba, umuntu umukulu umukalamba, umusuma, alisakwile bwino no busaka, alifwele umwingila uukalamba uwaemba, kabili ne nsapato shakwe ku nkasa shakwe shali sha golide, alishile no kutila, “Martin, bushe walinjishiba ine?”

Nomba, abantu abashimona ifimonwa, imwe teti mwiluke cena, lelo ifyo ifintu fingesha kuli imwe mu mipashi iyalekana lekana, kabili ifyo yena ibepa. Baibele itila ikabepa nabasalwa bene nga cabe cingacitwa (*Mateo 24:24*). Mwamona? **Abasalwa, abo ni balya abalingilwa libela no kufyalwa kuli lilye pange.**

E ico ena aishile kuli uyu uwasalwa; atile, “Martin, bushe walinjishiba ine? Nine Kristu.” Atile, “Bushe naunjishiba?” Martin aikele tondolo: camoneke iceni, ena alilolele pali miniti. Kabili ena alisosele nakabili, atile, “Bushe taulemona ine? Nine Kristu. Bushe naunjishiba?” Alisosele cena imiku itatu atemwa ine kuli wene.

Martin atile, “Satana, nalikwishiba iwe. Shikulu wandi talati afwikwe icilongwe nakalya, lelo aba

mushilo Bakwe baka mufwika Wene.” Cilya palya Icebo ukubwela. [5]

E ico pa mulandu fye wa kutila kuti twaba abasubwa, tacilepilibula ukutila twali pusushiwa. Pa mulandu ifwe tulaya ku calaci tacilepilibula ifwe twalipusushiwa. Mwila cetekela ilye mipashi yakubeleleka. Umupashi uwacine uwakwa Lesa, Icebo cakwa Lesa ica cine e Cinshika cakwa Lesa ico icaba Imbuto yakwa Lesa **ukaleta Lesa mu bumi bwenu.** Imwe mukaba aba bulesa, abashila, aba mushilo.

Pakati ka bantu abengi tulasanga, apo imyumfwile na fimbipo, palesa ifya kulanda landa, kabili no lwambo, kabili ne misango yonse ya fintu ifishalungama. Munyina, cilya ni sulfuric acid mu lukuta; yena maka ya ngulu. Umupashi wa baume na banakashi abo abesa capamo umo no mubiye no kwesha ukusunka no kusosa, “uyu tali uwalungama, kabili uyu tali uwalungama, kabili cilya tacili icalungama.” Nga mwakonka cena, ifipendo pabula ukufuma kwi kumi limo, caba umuntu uyo wine uleleta icimfulunganya ushili bwino. Amen. Lesa alipata ulubuli pakati kaba munyina. Beni abakatina. Beni aba mushilo. Temweni Lesa. Iminine na Wene. Kabili ilyo lyonse mwaishiba ukutila ubumi bwenu nabulungama na Baibele no kusanguluka kwa mutima, ukusanguluka kwa matontonkanyo, ukutemwa kuli munyinenwe, ukwesha mu busuma bwenu bonse ukukula Ubufumu bwa kwa Lesa no kucita filya fintu, ukufwala ukwayana, ukwikala kwa lungama, ukulanda ukwalungama, ukuya ku ncende ishalungama; **lyena kuti mwakwata imyumfwile yonse mulefwaya ukukwata, kabili uuli onse ali no kucetekela cena.**

Yesu atile, *“Muli mucele wa pano isonde, lelo mucele nga nausunduka, kuti waloweshiwa kunshi tauwamine icintu kabili iyo kano ukuposwa kunse no kunyantaulwa ku bantu.”* (Mateo 5:13). Nga muli fye umucele weka, tacawama. Lelo nga na mukwata ukulowa muli wene, imwe kuti mwaba abawamisha kabili isonde kuti lyakwata icilaka. Imwe beni abawamisha; bakakwata icilaka. Owe, mwe.

Imipashi ya kubeleleka ukulaya, ingulu ukubelama...Lolekesheni, ifwe tuli mu nshiku shakulekelesha. Ifwe tuli munshita ya kumpela. **Isonde lili fye ilya iteyanya ukwisa ku mpela lya lyena,** nge cipute pa cifulo cimo ico icili no kupoleka bumo muli inshi nshiku, kabili no mulilo ukufuma muli lyena. Lyena lyaba ilya kowela. Takuli umuti uwingondapa lyena. Bena balikana icaku wamishako. Bena nabakana ukuposhiwa. Mukasende icipute cilekula palya, kabili nga tumulenwa penicilin atemwa icintu cimo ukuconaula atemwa icintu cimbi icibiye, cili nokutwalilila ukukula mpaka cili no kutulika.

Cilya efyo isonde lyacita. Catendeke tekale sana ukulekelako. Bena baishileisa ku mano ayakulu ayacilamo. **Imipashi ya bufi yaliishilemo** kabili yatendeke ukweba abantu ici, cilya atemwa icibiye. Ifwe twali patukana mu filonganino ifyalekana lekana imyanda pabula na fimo, cila cimo na matontonkanyo ayapusana. Bena batila, “ifwe twalicetekela ici. Ukwiminina. Cilya fye ceka eco twacetekela.” Bena teti baleke Mupashi wa Mushilo ukwisamo. Bena teti bakwate inshila iyalungama. **Lesa alikwata ibumba lya bantu abo abengabilikisha; lyena uuli onse alingile ukubilikisha. Bena balikwata bamo ukulandila mu ndimi; lyena uuli onse aishile landila mu ndimi.**

Baishile uukwata bonse mpaka caishileba cinshi? Mucine cine icakowela ne mipashi ya kubeleleka, imipashi ya kubeleleka ukucita ifi fya ku umfwa umfwa ilyo tamuli Lesa muli cena nakalya. Lyena balaya kunse no kwikala ubumi ubwa musango uli onse bena bakabila ukwikala elyo ukwita cena UmwinaKristu (1 Timoti 4:1-5). [6]

Namwishiba, bulya e bwabo bwafya. Ndelanda ku Benakristu na bakapyunga, kabili ndefwaya ukuba uwa cishinka pali ifi fintu. Kabili palya epo bakapyunga abengi bapanga icilubo. Ifwe twalyufwa inshita ishingi nganshi pali bakapyunga, imilimo iyo bacita, ne fintu, bamo nalimo bacita ifintu ifyo bena tabalingile ukucita. Ndetontontokanya inshita shimo, balya baume abasuma, Abenakristu abasuma abo ababomfiwa na Shikulu. **Kabili lyena mukulekelesha balakwata ubufumu ubunono ukukulwa ukubashinguluka, atemwa ukongola ukwingi, abantu abengi ukusangwako mukulongana kwabo, mpaka balailekelesha, kabili balesa mukuisansabika. Abantu balabatotela no kwiminina, kabili ifwe tatulingile ukucita cilya.**

Tapaba abantu abakalamba pakati kesu. Cinshi, ifwe bonse tuli fye abana bakwa Lesa. Mulemona? Nga Lesa alilenga bamo muli ifwe icintu cimo kabili bamo cimbi, cinshi... Ena alengele ine no munwe ne linso, kabili na fimbipo. Cisuma, ifwe tulingile ukutotelana umo no mubiye, **kabili lyena tekwesha ukumfwa umukalamba.** Pantu bonse twasuntikana capamo kuli Lesa umo kabili bonse twafuma ku cimuti cimo. [7]

Te mulandu ifyo mwaba Abenakristu inshita iitali, bushe mucili mwalikwata ilya inono **imipashi yakale**

iyoy ilanda kuli imwe, uku milenga imwe ukusasuka, ukumilenga imwe ukulanda pa muntu umo? Ilyo umuntu umo aisa no kutendeka ukulanda pa muntu umbi, imwe mulailunda fye pamo nabena kabili owe, ukubaleta fye panshi? Cilya cilubo, munyina; wilacita cilya. Cilya mukulekelesha cilakulenga uku kanaingila mu calo ca bulayo. Nga mulakwata filye fintu ifinono ifyakale ifyo tamulingile ukukwata, ngo kutemwa kwa kwa Lesa mucine takuli mu mutima wenu, bushe tamwabe namayo na baume, ukwisa no kusosa, “mwe Lesa, pano pene ndi no kucifumyapo muno lucelo, pano pene fye.” Bushe kuti mwaisa? (1 Timoti 6:3-5).

[6]

Bulya e bwaba ubwafya na bantu ilelo. Bena teti balolele Mupashi wa Mushilo uwa cine ukusenda ulukuta mu cifulo. Bena balingile ukupanga icintu cimo, ukubomba icintu cimo: icishininkisho icituntulu, ukulandila mu ndimi ukuleta ba membala abengi mu lukuta, fyonse ifi fintu fimo ifya bola mucifulo cakulolela pali Shikulu ku kumonekela ukwa cine ukwa kubuka kwa kwa Kristu ukuilenga Umwine ukwishibikwa pakati ka bantu. Bena teti balolele.

Ee, te mulandu uko mwaba, nga tamwafyalwa ku Mupashi wakwa Lesa no kupokelela Mupashi wa Mushilo... Nga ta mulecetekela conse Icebo cakwa Lesa, imwe tamulapokelela Mupashi wa Mushilo nakalya. Cilya cishinka. Cilya cishinka nganshi. Ilyo mwaumfwa icine, kabili Mupashi wa Mushilo talemutungulula kuli cena, lyena kuli umupashi umbi mulya ukumutalusha kuli cena. E ico umupashi mukwete muli imwe te Mupashi wa Mushilo (Yohane 16:13). [8]

E ico kanshi; bushe muli no kupokelela Cena mu Mupashi uo cena calembelwamo? Bushe muli no kupokelela Cena mu mupashi uo Cena capelelwamo?

[9]

Nomba, tulesanga ukutla nga filya Yane na Yambre bakenye Mose, ifyo kutla ifi fintu fikaba mu nshiku sha kumpela. Nomba, kabili icakubelenga icakulekelesha twakwete cali ukutla Lesa alengele imbuto ili yonse ku musango wa iko; cilya Cakwe (*Ukutendeka*1:11-12, 26-27). Mwamona? Lyena ilyo alengele Umuntu Wakwe mu cipasho Cakwe, **ali imbuto ya Cebo Cakwe**. Kabili ilyo Yesu alengelwe mu buntunse, **Ena ali ubuntunse bwa Cebo cakwa Lesa** (*Yohane* 1:14). **Kabili ilyo twapokelela Icebo ca kwa Lesa, lyena tulesa mukuba Icebo cakwa Lesa mu mibili yesu**. Mwamona? Ulukuta lulingile ukuba muli ilye mibele. [8]

Ena ali Cebo, kabili Nabwinga alingile ukuba Cebo, Icebo ukulundwa ku Cebo ukulundwa ku Cebo. Luther ukulungamikwa, Wesley ukushishiwa, ba Pentecostal ulubatisho na Mupashi wa Mushilo, ukubweseshapo kwa fya bupe, kabili na fyonse ifyashala fya cena fileendela pamo na fyena. **Cena cilingile ukuba Icebo pa mulu wa Cebo, akashishi pa mulu wa kashishi, umweo pa mulu wa mweo, ukuleta umushinku uwapwililika uwakwa Nabwinga wakwa Yesu Kristu**.

Nomba, muleibukisha, imwe mwali imibele. Kabili nomba icintu ca cena ni ci, panuma ilyo twasanga ifi fintu, ukutla Kristu aleishila Nabwinga wakwe, nomba musangoshi twingila muli ulya Nabwinga? Nomba, lilya e lipusho. Abengi batila, “Ilundeni ku lukuta lwesu.” Umo uwa bena alefwaya umusango umbi uwa

lubatisho. Umo alefwaya ukucita ici atemwa cilya. Umo atile uulingile ukulandila mu ndimi nga teifyo taukwete wene; umbi atile taulingile ukulandila mu ndimi. Uyu umo atile uulingile ukushanina mu mupashi. Kabili uyu atile ulingile ukubilikisha. Uyu nakwata ifya kumfwa ufwa. Cena cili fye bwino, **kabili lyena cena conse caba cilubo. Musangonshi umwaume atemwa umwanakashi, atemwa umwana wakwa Lesa uyo uwafyalwa ku Mupashi wa kwa Lesa engakana Icebo cakwa Lesa, ilyo Lesa Umwine ailwile cena no kusosa, "Ici e co. Nalilaya cena; ici cili apa,"** ukulangisha cena palwalala fye nge fyo benga cita. Cinshi, **beni mpaka bakacimone.** Mwamona? Musangoshi Kristu enga kana Icebo Cakwe cine? **Nga Kristu ali muli imwe, Ena teti akane Icebo Cakwe cine.** [10]

Kabili nombi, **kukaba abo abasubwa aba bufi mu nshiku shakulekelesha, te ba Yesu ba bufi; teti basumine cilya, lelo abasubwa ababufi.** Beni balisubwa. Eeh, mukwai. **Lelo niba munkanyakristu. Beni balisubwa no Mupashi ukucita ifishibilo ne fipapwa ifyo Kristu acitile, lelo teti basumine Icebo Cakwe.** Mwamona? Abengi bakesa kuli Ine bulya bushiku no kusosa, 'Shikulu, bushe nshaseseme no kutamfya ifiwa mwi Shina Lyenu?'" Ena akasosa, "Fumeni kuli Ine, mweba kabomba wa mampulu, nsha mwishiba no kumwishiba." (Mateo 7:21-23). [4]

Efa alikwete Icebo. Satana alasusha Icebo. Kabili moneni. **Mupepi fye amakumi pabula na pabula ne myanda pabula na pabula ya Cena. Satana alisumine cali fye bwino.** Ukupalama nganshi, Baibele itila, "Mu nshiku shakulekelesha kuti cabepa nabasalwa bene nga cabe cingacitwa" (Mateo 24:24). Mwamona ifyo

caisamo? Ifyo lyonse caba? Ifyo cena cileya? Umusango umo wine: **ukwampana mu kukana cetekela muli conse icituntulu Icebo cakwa Lesa. Cilya e caletele imfwa caba ukwapanya ukukana cetekela ne Cebo.** Ukukana cetekela: ukunono fye ukwa ciputulwa kwa cena, ukunono fye, ukwa cepesha, **umwanda umo pa cipendo cimo. Lelo cena cilingile ukuba icipendo umwanda umo.** Epela fye. [11]

Kasesema alanda palwa kwa Dabidi ukuleta icipao ukucibweshwa:

Moneni, pa kucite ci, ena alengele imfwa ya muntu uwa bufuma cumi, ukubika ukuboko kwakwe pa cipao ilyo ena nga tacitile cena. Umukalamba, umwaume wa bufuma cumi, atontonkenye ukutila ukusubwa ne fintu fyonse fyali fye bwino, **lelo icipao caleya munshila ya ciko iyalubana.** “Ing’ombe,” Baibele itila, “shatelentente,” te bena Lebi (11 *Samuele* 6:1-11). Ing’ombe shalitelentente kabili iceleta yali pilibuka; kabili umwaume uwa bufuma cumi, no mutima wakwe umwaisula ukutemwa, abikile ukuboko kwakwe pa cipao ukucikatilila, kabili alipuminwe ku mfwa, pantu takuli umuntu uwingekata cilye cipao kano umwina Lebi. **Mwamona ifyo Lesa asunga Icebo Cakwe, alasunga umwakubombela Mwakwe, alasunga ifunde Lyakwe?** Ussia alipuminwe ne fibashi (11 *Imilandu* 26-16-21). Ulya palya Dabidi, bonse pamo balengele imfwa ya mwaume, kabili ukonaula ukukalamba; **pakuba uwasubwa no Mupashi, bonse babili** (Ussiah na Dabidi), **lelo ukufuma umwakubombela Lesa.** Cilya cishinka? Ena alifwile. Owe, capele Dabidi umwenso kukufwa.

Miku inga ifilonganino fyacita icintu cimo cine na bacetekela aba cine. Ulukuta lwa katolika, ba

Methodist, ba Baptist, Ulukuta lwa kwa Kristu, nangula ba Pentecostal, **balilenga ishingimfwa sha bumupashi kuli cilya icintu cimo cine.** Kabili bena teti baye pa ntanshi, pantu cilya e co icilonganino cabo cacetekela.

Lolesheni ilelo, imisonkano ikalamba, icintu cimo cine. Bena tabacita nangu cimo lelo balabalenga ukuba nganshi imiku ibili abana ba kumbo, ababipisha ukucila ifyo bali pa kutendeka. Cilabalenga ukukosa, mucine, ukwisa ku cine. Ukukwata uku kumo ukupuputulwa ukukalamba, kabili bonse muli bena balesamo, balatwalilila pakashita akanono, kabili balaya ukubwelelamo kabili balatendeka lonse ulu lubembu nakabili. Ukumfwa ukupuputulwa na kumbi, batila, “Yangu, nalikwete ifingi ifya filya; nalyesha cena; takuli nangu cimo kuli cena.” Mwamona? Bena tabaishiba umwa kubombela.

[12]

Mwisonde ilelo, tulesanga ukutula abantu (Baibele yalilandila libela cena.), amabumba yatatu aya bantu. **Limo ilya bena lyaba ilyatalala, ilya umulala, ilya mimonekele, iya fikansa.** Bena baya fye pantanshi, ukukana cilya ukuba mu lodge. Bena balaya ku chalichi, ukulanda panono pali ici, cilya kabili na Shikulu, kabili na fimbipo, ukubwela, **lelo ukwabulo ukukwata ukwishiba kwine ukwa kufyalwa libili.**

Owe, **bamo muli bena bala cilumbula, lelo ubumi bwabo bulashininkisha ukutula tacili fyo.** Mwamona? Nomba, cilya na cipwa kulubali lumo, kulyo kutali. Kabili nomba, **ulubali lwa kuno ku lubali lumbi, ulwa fulungana... Kabili ulutuntulu, ulukuta ulwa cine...** Yesu efyo asosele, “Cikapalamana nganshi pamo, kuti cabepa nabasalwa bene nga cabe cingacitwa.”

Nomba, abantu abengi, ilyo line bamona ukufulungana kwasankanishiwa ne cituntulu, “Awe,” batila, “takuli nangu cimo kuli cena. Twalilileni.” Mwamona, cilya e cintu cimo cine ico aba Fariseo bacitile. Satana taangalila no kwesha ukupondamika cilya. Ena aleesha ukupondamika ici Cine, **kabili uyu uwafulungana pano aleesha ukupashanya cilya cine.** Mwamona? Palya epo umushilwa wenu wabusanso wabela, palya pene. Nomba, **cintu cayana kuli ifwe ukwikala aba bumupashi. Belengeni Icebo kabili icintu icili conse ico icima kunse, ukupusana ne Cebo, lyena cibikeni ku mbali.** [13]

Satana akamupela ama bulayo ayamisango yonse, lelo ena takwata nangu cimo icakupela imwe, pa mulandu ena takwata nangu cimo. Ena takwata ipusukilo. Satana ni cinshi? Icili conse ukupusana ne Cebo. Ena takwata ipusukilo. Ena takwata Ulubuuto. Ubufumu Bwakwe ni mfimfi; impela ya fyena ni mfwa. Imfimfi ne mfwa e bufumu bwakwa Satana. Ni cinshi ubufumu bwa kwa Satana? Icili conse ukupusana ne Cebo cakwa Lesa. [14]

Moneni, Lucifer esa mu bucenjeshi ngefyo ena acitile lilya, kabili ku mesho, kabili **ama bulayo aya bufi aya maka kulya kunse ka Cebo cakwa Lesa.** Ena alicitile cimo cine pa Nicaea, Rome. Ena alecita cimo cine ilelo ku kabungwe ka Ecunemical ka ma Chalichi. “Lekeni ifwe bonse twampane capamo,” Papa atila. “Ndefwaya bonse ba munyina ba ecumenical kunse uko ukwampana naine. Ifwe twaba umo.” Cilya cishinka. Mu tubungwe muli umo. **Lelo cilya tacakwatapo icakucita na Nabwinga wakwa Kristu,**

tapali nangu cimo, Munyina. Imwe tamwa kasambe Wene ne cintu icili conse nga cilya. [15]

Owe, mwatila, **“Loleni pali miniti; ifwe tulashimikila Icebo.”** Lolekesheni kunuma uku pe sambililo lyandi. Satana e washimikile Icebo kuli Efa intanshi. **“Lesatile.”** (*Ukutendeka 3:1-7*). Mwamona? Ni kulya ukwilwila mumbi cilya iciputulwa ca Malembo ico icaba kuli lelo. Ena akalenga imwe ukwishiba ukutila fyonse ifyo Yesu acitile cali icapwililika nganshi. Ena akalenga imwe ukwishiba ukutila fyonse ifyo Mose acitile fyali ifya pwililika nganshi. Lelo ilyo mwasenda ama bulayo ayo bapele kuli buno bushiku; lyena cilya balacibika ku nshita imbi. Cilya fye ceka ico ena alingile ukucita caba ukulenga abantu ukucetekela ulyo musango, kabili cilya epela fye. Pantu imwe teti mu fumyeko icebo cimo kuli cena, atemwa ukulundako icebo cimo kuli Cena, lelo filya eflyo ena acita. [16]

E ico kanshi: Nomba, **imwe tamulingile ukwilwila mumbi Icebo.** Mwatila, **“Cisuma nalicetekela cilepilibula ici.”** Cena cilepilibula fye ifyo cena casosa. Cena tacifwaikwa uwakwilula. **Kabili imwe tamulingile ukubika pambi Icebo. Kabili imwe tamulingile ukupatulanya Icebo.** Kabili nga kuti twacita cimo ca ifi, cilaposa Baibele yonse mu cimfulunganya kabili mu cimfulumfulu. [3]

Kwaba lyonse ba mpundu. Kabili ulya e mulandu wine...Mwikalabako ici, mwe mukuni unono. **Ulukuta mu nshiku sha kulekelesha bakaba ba mpundu, ukupalama nganshi cilya kuti cabepa nabasalwa. Kwena kusela kwa Pentecostal. Kwaba fye nganshi nge cintu cituntulu, mpaka kuti cabepa nabasalwa bene nga cingabe cingacitwa. Mwamona, cikesa**

babepa bena, pantu caba fye mupepi nge cintu cimo cine. Mwamona, **bashibo fye babili, epela fye; nyinabo umo wine, ulukuta lumu lwine,** ukusela kumo kwine, icintu cimo cine. Umushili wakubyalamo umo wine, uko Icebo ciponena; lelo umo uwa bena, nga apa, alipondamikwa. Muleiluka? Soseni “Ameni” nga namu mona. Mwamona, umo uwa bena ali pondamikwa, pa mulandu ni wishi uwalubana. Icili, nkesa shininkisha ubushiku bumo, nga Lesa akesa nsuminisha, **ukutula icilonganino caba lulembo lwa ciswango.**

Mwamona, cena ni wishi walubana. Ena alesunkila abantu ku kabungwe mucifulo ca Cebo. Mwamona? Ni wishi uwalubana. **Cena kusela kwa kwa Kaini. Ilyo nkaya ku ng’anda ino nshita, ndi no kushimikila pe sambilililo, “Akashila ka nsoka”:** iciswango pa **kutendeka, kabili ne ciswango pa mpela,** kabili no kumukonka ukupita fye muli Baibele, no kulangisha ifyo ena akesa fika kumpela.

Kabili nombamba, lolekesheni fye ifyo ulya muntu aba incenjeshi, ifyo ena aba fye filya fine mu yakwe... Mulandunshi, bena bali fye nga Yuda na Yesu kulya, bonse babili ba munyina mu mukowa, nga filya fine Esau na Yakobo. Kabili nga filya mwankole ne nkunda ukwikala pa cinsa cimo cine. Kabili ifintu fyonse caba ba mpundu-kabili **muli ubu bulwi ubukalamba ubo twabamo.**

Umulwani abomfya ukubepa, nga filya ena acitile kuli Efa, “Owe, Lesa atile? Mucine lelo mucine...” (*Ukutendeka 3:1-5*).

Mwamona? Ukwesha ukwelenganya ku fyo Lesa asosele pa ntendekelo, “Mukafwa.”

Atile, “Eeh, Lesa asosele ukuti, lelo mucine...” Mwamona kulyo kusansa pali cena? Mwamona? **Lelo ifyo Lesa asosa, Lesa alasunga; Ena takabila ubwafwilisho ubuli bonse kuli Satana.** Ena alasunga Cena. E ico mwikatala bepwa kuli cilya. [17]

Ulukuta lwa cifyalilwa, ulukuta lwa bumupashi... kwaba ulukuta lwa cifyalilwa uko aba abanakashi kuno bapashanya (Hagar na Sarah), kabili kwaba no lukuta lwa bu mupashi nalo. E ico ulukuta lwa cifyalilwa no lukuta lwa bu mupashi teti fibe impyani capamo. Shena shibili ishapusana, inshita ishapusana, abantu babili abapatukana abapusana, pe samba ya fipangano fibili ifya pusana pusana (*Abena Galatia 4:19-31*). [18]

Abengi abantu ababufuma cumi balaya ukuilunda ku kabungwe, atemwa ibumba, atemwa imipepele ya bufi iyapala, **kabili kulya balafwa mu mupashi. Imwe teti mubebe nangu cimo. Bena balakwata filya fintu ukubikwa muli bena:** “Cinshi, aba ba cilolo basosele ici, kabili uyu asosele ici; uyu asosele ici.” **Mulabalangisha umu mwine mu Cebo cakwa Lesa uko cena cili EFYO ASOSA SHIKULU, “Lelo kacema wesu...”** Nshilesakamana ifyo kacema wenu asosa, nshilesakamana ifyo nsosa, atemwa umuntu uuli onse asosa. **Nga cena cili icapusana ne Cebo cakwa Lesa icashininkishiwa, ora, inshita, Imbila, kabili na fimbipo, labeniko cena. Talukeniko kuli cena.** Kabili nkesa iminina nacila umo uwa muli imwe pa bushiku bwa bupingunshi, kabili mwalishiba cilya. Nshingalanda nangu panono cilya, ukwishiba ndi umwaume umukote nomba. Kabili tacili ukutila nalishiba icintu cimo, lelo Ena aliishiba. Nkonka fye ico Ena asosa. [19]

Umwakumona:

- [1] “Abo Abasubwa Pa Nshita Ya Kulekelesha” (65-0725M), par. 91
- [2] “Ukushibusha Yesu” (63-0117), par. 48-49
- [3] “Kristu Aisokolola Mu Cebo Cakwe Cine” (65-0822M), par. 27-30,73
- [4] “Ifintu Ifili No Kubako” (65-1205), par. 113-115
- [5] “Mulingile Ukufyalwa Libili” (61-1231M), par. 161-164
- [6] “Imipashi Ya Kubeleleka” (55-0724), par. 89-93,135
- [7] “UKongola” (63-1115), par. 39-40
- [8] “Icebo Icalandwa e Mbuto ya Ntendekelo” (62-0318), pg. 69,71
- [9] “Ukwishiba Ubushiku Bobe Ne Mbila Ya Buko” (64-0726), par. 224
- [10] “Ukusendwa” (65-1204), par.91-92
- [11] “Ni Finshi Nalacita Na Yesu” (63-1124M), par. 130
- [12] “Ukwesha Ukubombela Lesa Umulimo” (65-1127B), par. 294-296
- [13] “UKupwililika” (55-0610), par. E-15-16
- [14] “Bu Umo” (62-0211), par. 55
- [15] “Kristu E Nkama Yakwa Lesa Ukusokololwa” (63-0728), par. 572-573
- [16] “Edeni Yakwa satana” (65-0829), par. 22-24
- [17] “Amaka Ayasangula” (65-1031M), par. 135-139
- [18] “Ulubuuto Talwakabe Nabupyani Pamo Ne Cikapa” (65-0218), par. 62
- [19] “Ukwesha UKubombela Lesa Umulimo” (65-0718M), par. 137

Ilibwe Ilya Kukulilako Ilya Bumupashi No. 115 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena. (Munyina Branham mu, Conduct-Order-Doctrine“, page 724]